

Pagpakigbahin sa mga Sumbanan

Hi! Akong ngalan mao si Isaac.

Ni Hilary Watkins Lemon



Nagpuyo ko sa Geneva, Switzerland. Kon ako modako na, gusto ko nga mahimong usa ka paleontologist o usa ka veterinarian. Ganahan kong magdagan-dagan ug magdula uban sa akong iro, si Happy.



Ang akong igsoong lalaki ug igsoong babaye ug ako mao lang ang miyembro sa Simbahan sa among eskwelahan. Duna mi daghang buotan nga mga higala, apan ang uban kanila dili pareho og mga sumbanan. Nakahukom ko nga kanunayng mosunod ug manalipod sa unsay akong gituohan, bisan kon kini dili mao ang inila nga mga butang nga buhaton.

"DILI" SA TSA

Ang iced tea sikat kaayo sa Switzerland. Sa akong birthday party, usa sa akong mga higala ang nangayo nako og usa ka basong iced tea. Giingnan nako siya nga wala kami niana. Nangutana siya nako kon ngano. Gipasabut nako og maayo nga ang akong pamilya dili moinom og tsa.

PAGSERBISYO SA AKONG IGSOONG BABAYE

Ang akong igsoong babaye, nga si Mayla, dunay cerebral palsy. Mogamit siya og wheelchair ug usahay nagkinahanglan og tabang aron makalingkod o makalibut sa balay. Ganahan ko nga motabang niya. Human og eskwela ang akong igsoong lalaki, nga si Samuel, ug ako modala niya gawas sa eskwelahan aron mouli sa balay uban sa among papa.



USA KA MAISUGON NGA MISIONARYO

Ang akong igsoong babaye dili mahadlok nga moistorya mahitungod sa unsay iyang gituohan. Si Mayla nagplano na sa iyang bunyag ug gusto nga moimbitar sa iyang mga higala!



MAAYONG MGA PULONG

Mohangyo ko sa akong mga higala nga dili mogamit og ngil-ad nga mga pulong sa akong palibut, apan ang uban mobuhat gihapon. Usa ka batang lalaki ang miagni nako sa pagsulti og usa ka ngil-ad nga pulong. Ako miingon, "Dili, ako dili molitok niana." Nasurprisa siya, apan wala na siya mosulay nga paapilon ko uban niya.

USA KA MABINATION NGA HIGALA

Ang akong igsoong lalaki, nga si Samuel, usa ka maayong ehemplo. Kausa dunay bag-ong batang lalaki nga ginganlan og Max nga miabut sa eskwelahan. Moistorya siya og Korean ug Iningles, apan dili sa French. Gitabangan ni Samuel si Max nga mobati nga giabi-abi ug mitabang kaniya sa pagkat-on og French. Karon magkadula na sila human sa klase, ug kausa si Max miabut sa usa ka kalihokan sa Simbahan uban namo.

TIP NI ISAAC ALANG SA PAGPUYO NGA MATARUNG

Sunda ang inyong mga ginikanan ug ang Manluluwas. Adto sa mga kalihokan sa simbahan. Adto sa simbahan matag Dominggo ug moambit sa sakrament. Respetuha ang uban. ■